



partii naleraq

UKA 2017/051-00

08-11-2017

Pinerluffigineqarsimasunut ikiuisarnitta ilaatigut eqqugaasunik siunnersuisarnermik pilersitsinikkut qanoq pitsanngorsarneqarsinnaaneramik apeqquteqaat aallaavigalugu oqallinnissamik siunnersuut.

(Inuit Ataqtigiit Inatsisartuni ilaasortaaitai)

Inuit Ataqtigiit Inatsisartuni ilaasortaaitaasa inunntut pinerluffigineqarsimasunut ikiuisarnitta ilaatigut eqqugaasunik siunnersuisarnermik pilersitsinikkut qanoq pitsanngorsarneqarsinnaaneramik apeqquteqaat aallaavigalugu oqallinnissamik siunnersuutaat naalakkersuisullu akissutaannut qujalluta Partii Naleraq sinnerlugu imannak oqaaseqarfigissuarput:

Ilumoorpoq inuit pinerluffigineqarsimasut annerusumik siunnersorneqaratillu ikiorserneqartarnerat pinerluttut inuiqatigiinnut utertinniarneqarneranniit suliniarfigineqarnerat ersallunnerujussuusooq oqaatigineqartariaqarpoq.

Tassami assersuutigalugu annertuumik pinerlussimasooq ullormiit siullermiit sutigut tamatigut paasiniaaffigineqalersarpoq, piffissarujussuaq ilaatigullu aningaasarpasuit atorlugit – illua-tungaatigulli pinerluffigineqarsimasooq, pinerluffigineqarnerminut atatillugu uppersaatissanik qulakkeeriffigineqarlunilu aallerfigineqaannartarpoq, tamatumalu kingorna annerusumik ikiorniarneqassanani, nammineerluni piffissarujussuaq ilaatigullu nukippasuit atorlugit paasiniaaqaartinnani annersumik suliniarfigineqassanani.

Taamaammatt naalakkersuisut akissuteqaamminni pinerluffigineqarsimasunut siunnersuisarfimmik pilersitsinissamik pilersaaruteqarnerat tapersertariaqarpoq.

Isumaqarpugullu taamatut pilersitsiniarnermi danskit naalagaaffiat qanimut suleqatigineqartariaqartoq, tassami eqqartuussiveqarnermut pinerluttulerinermut pinerluttunillu isumaginninneq suli danskit naalagaaffiata akisussaaffigimmagu.

Aamma isumaqarpugut pinerluttoqarsimatillugu pinerluffigineqarsimasut siunnersorneqartarnissaat ullormiit politiinut nalunaaruteqarnermiit aallartinneqartariaqartoq, tassami pinerluttoqarsimatillugu tamatigut suliassaq politiinit aallartinneqartarmat.

Taamaattumik pissusissamisuusooq pinerluffigineqarsimasup politiinit oqaloqatigineqarneranut atatillugu siunnersuineq ikiuiniarnerillu ullormit tassangaanniit aallartinneqartassappata.

Soorunami suliamiit suliamut pisumiillu pisumut suliat qanoq ingerlanneqartarnissaat ersarissumik najoqqutassaqartinneqartinneqarnissaat pisariaqartinneqassasut takorloorneqarsinnaavoq.

Minnerunngitsumillu aamma suliamik akisussaallutik ingerlatsisussat qulakkeerneqarnissaat pisariaqassasoq aamma takorloorneqarsinnaavoq.

Pingaarnepaajuvorli pinerluffigineqarsimasup toqqissisimanartumik isumannaatsumillu sullinneqarnissaa.

Taama naatsunnguamik oqaaseqaannarallarluta oqalliseqqinnissamut qilanaarluta oqallissaarisunut qujaqqippugut.

Anthon Frederiksen